

# 01-لقاء مسجد أسد بن الفرات | 1102-9-42 | الشيخ حازم

## صلاح أبو اسماعيل

حازم صلاح أبو اسماعيل

بسم الله الرحمن الرحيم. الحمد لله رب العالمين. حمدا كثيرا طيبا مباركا فيه كما يحب ربنا ويرضى سبحانه لا احصي ثناء عليه بانه وان تعدوا نعمة الله لا تحصوها ان الله لغفور رحيم. واشهد ان لا اله الا الله وحده لا شريك له. واشهد ان سيدنا محمد - 00:00:00 محمدا عبد الله ورسوله صلى الله عليه وسلم. اشهد انه ادى الامانة على وجهها وبلغ الرسالة على حقيقتها فلم يدهن ولم يبيع ولم يترك شيئا غامضا صلى الله عليه وسلم. واسأل الله عز وجل كما امنا به - 00:00:30 ولم نره الا يفرق بيننا وبينه حتى يدخلنا مدخله. واسأل الله سبحانه وتعالى ان يجعل عملنا كله خالصا لوجهه الكريم. والا يجعل لاحد سواه فيه شيئا. وان يرزقه صدق النية واخلص العمل. ايها الاخوة الاحبة الكرام عجب - 00:01:00 امر هذا النبي صلى الله عليه وسلم لا يقع في دنيا الناس شيء الا ووجدت له درسا عميقا في حياة النبي صلى الله عليه وسلم. ولانكم من اهل المساجد نجد فانا لا اريد ان تتصوروا ان هذه الجملة او ان هذه الكلمة هي - 00:01:30 كلمة التي نكررها دائما كلما تحدثنا عن النبي صلى الله عليه وسلم وانما ارجو ان تعلموا وفعلنا انك اذا نظرت في البشرية كلها منذ خلق الله ادم الى اليوم ومن - 00:02:00 مشرقها الى مغربها عبر العصور لن تجد شخصا في تراثه وفي كلماته التي تركها ما يجمع كل مجالات الحياة الا النبي صلى الله عليه وسلم. لا يوجد احنا لما نبيجي نتكلم في الرسم والموسيقى بنلاقي احاديث لما نيجي نتكلم في العادات الشخصية - 00:02:20 بنجد احاديث لما نيجي نتكلم في العلاقات الاجتماعية بنجد احاديث لما نيجي نتكلم في الدولية بنجد احاديث لما نيجي نتكلم في اي كلية من كليات الجامعة بنجد احاديث لما نيجي نتكلم في اي وزارة من الوزارات بنجد احاديث لما نيجي نتكلم في اي مرحلة عمرية من عمر - 00:02:50 الانسان منذ يكون في ضمير الغيب قبل ان يوجد اصلا في دنيا الناس الى ان الله ويقبر ويبعث تجد احاديث. كل الناس حتى تصاريف الاحوال المالية هذا غني وهذا فقير. هذا تتقلب به الاحيان. هذا سنة شاملة - 00:03:20 الازمة الازمة هي في ثقافتنا نحن عن الرسول صلى الله عليه وسلم الازمة ان كل واحد منا اغرم بطبيعته شخصيته بجانب من الجوانب اغرم بمجال من المجالات. فهو ليس محيطا بكل المجالات. انما هو يختار مجال - 00:03:50 كان ويبحث يجد عمقا كبيرا. لذلك نحن مقصرون تقصيرا شديدا في احاطتنا بثقافتنا. الناس في في الخارج يتصورون عن الاسلام ويتصورون عن النبي عليه الصلاة والسلام تصورات في منتهى الضحالة. ليس فيها عمق بسيطة جدا - 00:04:20 جدا فاذا ما كلمتهم والله وانا جربت هذا عدة مرات تجده يحملق متعجبا هل محمد هذا عليه الصلاة والسلام الذي اسمع عنه دائما هو بحر بهذه الصورة لدرجة انه حتى في الامور الصحية الطبية العلاجية حتى في الامور الهندسية. يعني انا لا - 00:04:50 انني تحدثت الى شخص في كندا كان قادما الى كندا مهاجرا من بلد اخرى. واتى المجال الهندسي فكل الذي فعلته وكنا في المطار يعني كل منا ينتظر طائرته اني قلت له هل تعرف العلاقة بين محمد صلى الله عليه وسلم وبين الهندسة؟ فيعني الرجل نظر اليها - 00:05:20

نظرة يعني انه زي ما تقول ايه يعني مش فاهم. ايه العلاقة؟ فحدثته فالرجل يعني انا عايز اقول ابسط لفز تعجب. تعجب عجا

شديدا. قال لي وهذا الكلام موجود في كتب - [00:05:50](#)

قلت له هذا المجال الذي تعجبت له لانه في مجالك انت. لو لو حدثت عن اي مجال واي متخصص سيجد نفس هذا الزاد. طب اين اجده؟ قلت له والله انا ما اعرفش باللغات بتاعتكم. لكن انا هقول لك وانت تدخل واعطيت رقم - [00:06:10](#)  
مركز اسلامي هناك اعرفه ليتصل به. الذي اود ان اقله يا اخواني ان سنن النبي صلى الله عليه وسلم باهرة حتى عندما احديثك. انتم عارفين اخواننا الكرام الذين يمشون على الارض - [00:06:30](#)

الارض في الدنيا يحيون السنن لما بيكلمك عن انك تبدأ نومك على جنبك اليمين. سنة اذا به بحث علمي يتحدث عن ان بدء النوم عن الجنب اليمين لمدة مش عارف كم ثانية؟ كم ثانية؟ يعني قل - [00:06:50](#)  
حتى لو قلبت بعد كده واحد مرتاح ينام على جنبه الشمال بس يبدأ دقيقة على السنة. ويتقلب فوجنوا بان بدء النوم على الجنب اليمين اولا له تأثير دي ابحاث علمية على عضلة القلب على قوة - [00:07:10](#)

عضلة القلب طوال العمر. انه الانسان لما يبدأ السكون اليومي. اما يبدأ على جنبه اليمين شوية ويحب يتقلب بعد كده بس الدقيقة لها اثر وسبحان الله هذا البحث موجود ايضا في كندا. موجود اظن سنة اربعة وتسعين خمسة وتسعين شيه من هذا - [00:07:30](#)  
نحن يا اخواني اجلالنا لسنة النبي صلى الله عليه وسلم يجب ان نعلم ان وراء كنوزنا وبحورا كبيرة حتى لو لم نكن نعلمها علما تفصيليا انما فعلا وراءه كنوز كبيرة. ومن هذا ايضا طريقة النبي صلى الله عليه وسلم في ادارة العملية - [00:07:50](#)

الشعبية والسياسية كالتى تعيشونها الان. يعني الرسول صلى الله عليه وسلم الذي تراه انه رجل طيب وسهل وسمح ويغفر للناس ذنوبهم ويصفح ويصفح عنهم ويسامحهم ويفسح لهم له بعض المواقف يرفض ان يخذع. يرفض ان يخذع. والحديث - [00:08:20](#)  
حديث الذي تحفظونه جميعا اللي هو آآ لا يلدغ المؤمن من جحر مرتين معناه ان المؤمن اذا لدغ مرة من جحر محدد برغم ان الجحر ده يتميز بالخفاء. الجحر ده مش حاجة كده زاهرة - [00:08:50](#)

ويتميز بانه غائر وبانه صغير وبانه ليس معلما للطريق. انت مش عارف اذا المؤمن برغم الدقة والصغر والخفاء لدغ من هذا الجحر مرة واحدة فان ان ايمانه لا يسمح له بدرجة غفلة ولو بسيطة تجعله يلدغ مرة اخرى من ذات الجحر ابداء. ادي - [00:09:10](#)  
لا يلدغ المؤمن من جحر مرتين. وتفتح كتب العقائد فتجد ان من شروط النبيين الفطنة يعني ايه من شروط النبيين؟ يعني ما ارسل الله نبيا ولا لمرة واحدة الا كان ولا بد متمسما بالفطنة بالانتباه بالحضور. ولذلك ورد في سنة النبي - [00:09:40](#)

عليه الصلاة والسلام انه يقول لمخادع انا لن اتركك تمسح عارضيك وتقول قد خدعت محمدا مرتين. غريبة اوي! هو خدعك قبل كده يا رسول الله! ما خدعوش صلى الله عليه وسلم. لم - [00:10:10](#)  
يخدعه. ده كل ما في الامر ان الراجل ده وقع في الاسر مرة. اسير وعفا عنه النبي عليه الصلاة والسلام اطلق سراحه بدون فداء. ودي مش خدعة. ما انا جايز الاسير ده لا يزال مشركا. ولا يزال عدوا ولا يزال محاربا - [00:10:30](#)

لما اعفو عنه قد يعود ليحاربني مرة اخرى. وانا اعلم هذا ومع ذلك اخذ القرار بان اخلي سبيله بان اسري عنه ان ان اطلقه سياسة نظرة رحمة قولها زي ما انت عايز - [00:10:50](#)

انما ليست خدعة. فلما الرجل ذهب وحارب مرة اخرى وحارب مرة اخرى النبي عليه الصلاة والسلام هو طلب العفو مرة ثانية من الرسول عليه الصلاة والسلام قال له لا خلاص. طب يا رسول الله انت رحمة. انت يعني اه رحمة بس اه وان كان الواحد يستصعب يقول هذا اللفظ عن النبي عليه الصلاة والسلام - [00:11:10](#)  
لكن يعني مش مش مغيب الذهن يعني. مش مغيب الذهن الذي تغافلا. فبالتالي انا خلاص لن تقول لهم ده انا وقعت في ايديهم مرتين

ومشيت كلمتين حلوين ومشيت. اذا الضبط هنا ومن عجيب الامر انني في حرب - [00:11:40](#)  
تلاتة وسبعين فوجئت في الصحف بان هذا المعنى موجود في الاتفاقات الدولية انه الاسير اتفاقيات الدولية حول حقوق الاسرى ترتبط بالا يقع بال يكون وقوعه في الاسر للمرة الثانية كل ده لو وقع في القصر مرة واحدة. انما لو وقع مرة ثانية له وضع مختلف -

[00:12:00](#)

يعني وكأنهم يشترطون انه اللي يسيء اللي يقع في الاسر ويترك لا يعود لذات الحرب مرة اخرى. قلت سبحانك ربي لهذا فعله النبي عليه الصلاة والسلام وهو يؤصل. احنا اذا مشكلتنا مشكلتنا مشكلتنا مشكلتنا - [00:12:30](#)

دي نبر بدوي. وعلى فكرة اللغة العربية زي ما فيها النحو والصرف وفيها النبر. انت عارف لما حط التشكيل معلش ده برة الموضوع شوية بس اصل اللغة العربية دي يعني حاجة كده لها عندي معزة خاصة. تلاقي ناس كتير - [00:12:50](#)  
بيتكلموا لغة عربية رائعة بيتكلموا كويس جدا لغاية ما تيجي حكاية النبر. النبر ده والاخوة اللي بيتعلموا احكام التلاوة عارفينها النبر ده معناها انت لما تيجي تشكل مشكلة وتشكل مشكلتنا هتلاقي التشكيل هو - [00:13:10](#)  
الفرق في طول الفترة اللي بيستغرقها نطق الحرف الواحد على لسانك اللغة العربية حتى الفصيحة ما ينفعش انت حتى طول الحرف تطوله. ولزلك مشكلتنا صح. مشكلتنا غلط غلط يعني ايه؟ غلط يعني حتى في التلاوة في التلاوة لما تيجي تقرأ لان القرآن نزل بلهجة قريش والقراءات - [00:13:30](#)

انما في ناس بقى تأثروا باللهجات البدوية تلاقيه بيتكلم يعني نقص مدة ويطول مدة فالدنيا تلخبط معاه نعم! اختلاس. اختلاس اه تاخذ من حرف تدي الحرف اللي جنبه وهكذا. طبعا انتم اصلا ولا عارفين التشكيل. انما انا بس - [00:14:00](#)  
انا بس يعني فلاني قلتها مشكلتنا فيعني زي ما تقول حظ النفس هنا غلطت ولا ايه يا جماعة كده يعني نسيت بقى اللي كنت بقوله دلوقتي. فاذا يعني على كل حال فسنة النبي عليه الصلاة والسلام - [00:14:20](#)  
نتعلمه. انا الذي اريد ان انبه حضراتكم اليه. وكنت بقوله من زمان من يجي عشرين سنة مع اخواني الكرام القدامى اللي معنا من زمان كنت اقول لهم ان المشكلة ان احنا معزمننا كل واحد منا نص - [00:14:40](#)

تلت عشر ما فيش واحد اخذ مجالا وتعمق فيه حتى صار اليه اماما الا قليلين جدا. انما الصح اني اظل اتعمق في مجال حتى اتقنه مهما كان هذا المجال. واصبح - [00:15:00](#)  
بحجة فيه. يقوم بيقى كل واحد منا امة. ليه؟ لانه المجال ده هو عارفه. وعمايز اقول لكم ان المجال ده مش لازم يبقي فقهي وتفسير وحديث وبس. لأ سيدنا ابو بكر رضي الله عنه كان اعرف العرب - [00:15:20](#)

العرب فهرس كان مزبوط ولا لا؟ كان مجرد فهرس. اما اجي اقول لك والله انا قرريت مقال النهاردة لكاتب اسمه فلان الفلاني بيقول كذا انا وانت نتكلم في الفكرة لكن جايز لو في واحد فهرس تقول لي طبعا ما هو ده اللي من خمستاشر سنة حصل كذا ومن ست سنين حصل - [00:15:40](#)

كزا ده يحل لنا امور كثيرة. انما بعضنا طبعا ما تاخدوش الكلام ده وكله يروح يشتغل في هرس. انما انا باكلم حضرتك ان تختار مجال يحتاج الناس اليك. ولذلك بعض اخوانا في هذا اليوم قرروا ان يتخصصوا مثلا في التاريخ في - [00:16:00](#)  
التاريخ فصاروا ائمة بعضهم قرر ان يتخصص في علم التربية وصار اماما فيه واصبحت دي اسماء معروفة لانه لابد ان نتقن امورنا على نحو محدد. المسألة الثانية التي اريد ان اكمل بها - [00:16:20](#)

هذه الفكرة هي يا اخواني ان مخالفتك لشخص او اتفاقك معه ليس بالضرورة انك تقصد انك تضرب الشخص ده. انما انت تختلف مع فكرة مطروحة. ولذلك حتى الخلافات بين ابي بكر وعمر وجدت كثيرة مع ان عمر ابن الخطاب روي - [00:16:40](#)  
عنه من الحب لابي بكر ما تعلمون. لدرجة انه بعد وفاة سيدنا ابي بكر كان يقول يعني يا ليته يعود ساعة الى الدنيا اجلس معه وبعدين يموت مرة ثانية. يعني من شدة الشوق اليه. ومع ذلك المرويات عن وقائع الاختلاف - [00:17:10](#)

في الرأي بين ابي بكر وعمر ضخمة جدا. كبيرة قوية لدرجة ان هو اللي نزل فيه مثلا مسألة يعني لا ارفعوا اصواتكم فوق صوت النبي انه لقينوه الاتنين بيتناقشوا ويتناقشوا قدام الرسول عليه الصلاة والسلام. فنزل القرآن - [00:17:30](#)  
تأديبا للامامين الاعلى في الامة الاسلامية. فمسألة فبالتالي لابد ان تدرك هذا. انت بتقول الرأي بادب بالغ. واوعى تتجاوز اوعى تتجاوز ان علسان يبقي تقول الرأي بادي تقول الرأي في التصحيح. تقوم تبقى شديد - [00:17:50](#)

مش لازم ابداء. ولذلك بعض الائمة من الامراء جا له واحد واغلظ له القول. هو متصور انك لما تروح للحاكم وتأمره وتنهاه بوضوح

وبقوة هو ده الايمان والورع. الحاكم كان هنا من - [00:18:10](#)

الصالحين قال له يا اخي لقد ارسل الله من هو افضل منك الى من هو اقل مني ومع ذلك قال له فقولا له قولنا لعلنا لعلنا يتذكر او

يخشى. يعني انت حاول دائما تلاحظ - [00:18:30](#)

قلب من امامك. تلاحظ انك لا تؤدي به الى خروج امراض قلبه. اذا انت بتقول لي قدام الناس وبتضايقي نرفزني طب انا بقى بدل ما

كنت هاقبل الحق من غير ما ياخذ باله يبتدي يكابر. وانت ساهمت في هذا - [00:18:50](#)

حين لم ترحم اخاك. وحينما لم ترأف به وتنبهه بطريقة تجعله يستجيب. ورحم الله الامام الشافعي وقد اسند اليه انه يقول انه يعني

ان انا ما اختلفت مع شخص الا وتمنيت ان لو اجرى الله - [00:19:10](#)

الله الحق على لسانه هو. مش على لساني انا. ليه ؟ ده بالعكس الواحد مش عايز يبقى غلطان. قال فانه لو نطق الحق لاستجبت له.

لكني ان نطقت بالحق لا اضمن ان تغلبه نفسه. فيبتدي يماري - [00:19:30](#)

فانظر حب الحق يخلي المسألة. لذلك نحن يا اخواني نريد لقلوبنا ان تكون قلوبا محبة للخير هبة للسداد محبة للرشاد. انتم عندكم

حاجة اقوى من ان القرآن قال للمسلمين قولوا للكافرين. وانا او اياكم لعلنا هدى او في ضلال مبين - [00:19:50](#)

مع انه اليقين شرط في الايه في الايمان شرط في العقيدة من الشروط السبعة لكلمة التوحيد زي ما موجودة في معارج القبول لو

تقرأونه يعني. فتلاقي اليقين بقى يا قرآن. اليقين شرط في التوحيد - [00:20:20](#)

وبعدين تقول لي قل له يمكن انا اللي صح وانت اللي غلط او العكس تعال نتكلم. المسألة تقوم على اساس انك بتفسح الارضية علشان

يبقى فيه قبول علشان تقبل علشان يؤخذ منك ان شاء الله الحق ما دمت على حق. وفي المقابل - [00:20:40](#)

تقول او عوا تشتموا الهتهم. مع انه ايه يعني لما اشتهم فرعون ولا هبل ولا اللات ولا العزى ولا ايه المشكلة؟ هي دي حاجة دي لا تضرو ولا

تتفع. انما القرآن يقول لي لأ. اوعى تشتمهم ولا تسبوا الذين يدعون من دون الله - [00:21:00](#)

عشان ما تجيبش الموضوع تبقى مشاتمة فيسب الله عدوا بغير علم. فالمسلم قوي جدا لكن في موضوعه انما رقيق جدا في اسلوبه.

ولازم تحفظوا الكلام ده. الملائك بيلبسوه بيسموها قبضة الايد دي ما اعرفش بيسموها ايه؟ اه لقي اه خفاف طبعاً باللغة العربية قفاز

ايوة ما هو انا عارف باللغة العربية انما - [00:21:20](#)

فانما هم لهم مصطلح فالقفاز ده تجده هو الراجل لكتمته بتتوزن بالكيلو. يعني يقول لك لجمة لكمة مش عارف ايه لكنة ما اعرفش

فريزر ده ولا ايه قد ايه بالكيلو يعني يقول له دي كزا كيلو. لكن القفاز مقصود به - [00:21:50](#)

انه ما يعورش يعني ما ما يبقاش العضم ده بيعور يبقى ناعم. فانت بقى العبرة بقوتك مش القفاز بيخليه حرير لكمة حرير يقول لك

قفازات من حرير. ففوة الحق يا اخواني ليس معناها انه يعني - [00:22:10](#)

لذلك الرسول عليه الصلاة والسلام كان يقول له ايه رأيك ما تسمع مني؟ اسمع مني واذا اردت يعني عجبك ما عجبكش ما عجبكش.

ومن عجيب الامر انه حتى بعد ما سيدنا - [00:22:30](#)

مصعب راح آآ انا عايزك على فكرة ما تمشيش عايزك ضروري ما تمشي. وعايز الاخ احمد ضروري ان شاء الله. اللي آآ اه كلمة الحق

الرسول عليه الصلاة والسلام يقول له عايزني اشيل ايه - [00:22:50](#)

فكلمة الحق الرسول عليه الصلاة والسلام يقول له ما تقعد تسمع مني وشف يعني اذا لدرجة قال لهم يعني سيبوني ما هو انا آآ ان

ظهرت فهو ظهور لكم يعني مش آآ مصعب قال نفس الكلام يقول لسعد - [00:23:10](#)

ابن معاذ رضي الله عنهما اجمعين يقول له طب ايه رأيك ما تقعد تسمع واذا رفضت هاسمع كلامك. اذا رفضت كلامي تقول لي امشي

من البلد هامشي. بس يمكن كلامي اسمعوا. فاذا الفكرة في تسويق في ان تقول - [00:23:30](#)

طبعاً كل الاخوة خطر بذهنهم الان واقعة الحسن والحسين وهما يعلمان الوضوء للرجل الكبير شئ طبيعي يعني ان مسألة والرجل

فاطن فاتبسط. اتبسط انه يعني من ادبهم من اخلاقهم. انما احنا والله كنا بنشوف - [00:23:50](#)

انه الاخ كان يبقى سنه مسلا دون العشرين سبعناشر تمتناشر تسعتاشر سنة وقرأ في السنة وهو اللي صح. هو اللي صح لو عايز يقول

لهم يا جماعة من السنة ده غلط وده صح. انما بيكلم واحد يقول له ده انا باصلي من قبل ما انت تتولد. ما هي ده مع ان ده مش مش -  
[00:24:10](#)

مش عنصر في النقاش يعني. من قبل ما تتولد ولا من بعد ما اتولد ما لهاش دعوة. مين صح ومين غلط. انما انت خلي بالك انها العوائق والاخوة اللي كانوا معنا او بيسمعوا دلوقتي دروس السيرة النبوية اللي كنا القيناها انا اظن فيما اتذكر ان احنا -

[00:24:30](#)

افرادنا على الاقل محاضرتين وربما اكثر كانت عن العوائق النفسية اللي خلت المشركين الايمان عوائق نفسية وهي اللي الرسول عليه الصلاة والسلام اشتغل عليها لغاية ما هدمها فعادوا الى الايمان مرة اخرى. زي حكاية مسلا لآ - [00:24:50](#)

ده مش من عيلتي رسول من العيلة الثانية. ودي ما لهاش حل طب هنعمل ايه؟ نجيب لهم ايه يعني؟ نجيب ازاي؟ يعني نعمل ايه فاذا يا اخواني المسألة تحتاج الى آآ بصيرة. النقطة الثالثة بقى اللي تخدم مع النقظتين دول وطبعاً انا كل ده قاعد - [00:25:10](#)

بقول مقدمات انا عندي كلام عايز اقله. لا لا مش هطول عليكم ده قصير برضه بس اه بس انا بقول لك مقدمات للفكرة مش مقدمات في الوقت. مقدمات للفكرة. ان الله ده ربنا يكرمه - [00:25:30](#)

الجماعة بتوع الدين قاعدين يقولوا لنا خليك حلوين خليك سهلين خليك لطاف خليك كزا وابتسموا وخليك رفاق و اقوم انا من كتر الرقة اللي بيوصيني بها بدل ما تبقى رقة في الاسلوب - [00:25:50](#)

اروح مدخلها الخانة اللي جنبها. فتبقى رقة في المبادئ. وابتدي ايه؟ مية. اه يا سلام! هاغني يعني بعد شوية كده هاقول لك آآ ها ايه امرك يا سيدي خلاص اللي تؤمر به يا فندم. فقال تعالى ودوا لو تدهن - [00:26:10](#)

فورا هيستجيبوا وهيقوا لطاف جدا. هيحطوا كريم هم كمان فيدهنون. خلاص؟ هتلاقي العملية هتبقى مجاملات طب امال ايه لآ قول الحق. اوعى تخرج من اللقاء بانه انت رقيق في المبادئ - [00:26:40](#)

او عنيف في الاساليب. لآ احنا قلنا لطيف في الاسلوب قوي في المبدأ وانا زي ما قلت مرارا عجبتي قوي نكتة كان راسمها رسام كاريكاتير زمان وعجباي وقاعد كل ما اتكلم في الموضوع ده استشهد به. بيقول لآ فعلا امريكا اتغيرت. الحقيقة امريكا اتغيرت. زمان -

[00:27:00](#)

كان اذا عرض قرار في مجلس الامن ضد اسرائيل المندوب الامريكي ويخبط التراييزة ويقول فيتو. عارفين حق الفيتو الاعتراض يعني. خلاص نقد ممنوع. اما الان فقد يعرض نفس القرار واشد منه ضد اسرائيل على مجلس الامن. ولكن المندوب الامريكي تجده رقيقا مبتسما - [00:27:30](#)

ويقول فيتو. جميل جدا هو ايه الفرق؟ انا مالي ومال نرفزته هو زمان كان بس لسة جديد في الكار. ففيتو دلوقتي فيتو هي هياها. من غير ما يتنرفز يعني هو اللي ينرفز اللي قدام والله يفتح عليك. ها اصبر على حسد الحسود. فان صبرك قاتله. فالنظر - [00:28:00](#)

تأكل نفسها ان لم تجد ما تأكله. رائع لذلك يعني المسألة ان في حاجات والله لا تسمع في حاجات الواحد ما يقدرش يسمعها. وبعض الاخوة من اللي بيحضروا ساعات واحد بيتكلم فيقول كلام شديد يروح سايب الاخ اللي بيتكلم وباصص له - [00:28:30](#)

انا. ايه ده هو سايبه ليه بيقول الكلام ده؟ ازاي سايبه بيسمعه؟ انما ده القرآن مش بس كان بيسيبهم لحد ما يقول له افرغت يا ابا الوليد خلصت ولا تحب تقول كمان؟ ما تقول كمان قاعد. لآ ده كمان القرآن بقى ياخذ اللي هم بيقولوه اللي مش مستحملهينه ده -

[00:28:50](#)

اللي ودني مش عارفة تسمعه ويروح منزله في اية. يقول عن النبي عليه الصلاة عليه الصلاة والسلام يقول يا ايها الساحر ادع لنا ربك. وقالوا مجنون وازدجر. مين يقدر يقول عن الرسول عليه الصلاة والسلام كده - [00:29:10](#)

انما القرآن ياخذها واقعد انا اصلي باللي قالوه الكفار عن الرسول عليه الصلاة والسلام. ايوه لان انا بعمل فهرس. بعمل فهرس باقول هم قالوا ايه، والرد ايه؟ لاني عايز اخرج امة. الامة دي هي اللي هتشتغل بعد وفاة هذا النبي. وهتقعد - [00:29:30](#)

انت بتشتغل الف وربعمية وشوية من السنين لغاية دلوقتي والله اعلم لغاية امتي. فانا باربي امة لازم ادي لها الفهرس. قالوا ايه والرد

ايه. انما انا لو كنت داخل ساعتها مباراة انا بتخانق معهم وهم بيتخانقوا معي. ما كنتش اخلد كلامهم ولا حاجة. الله اعلم طبعاً ماذا يفعل ربي - [00:29:50](#)

انما انا بقول لك يعني الله اعلم مش هاخلد اللي بيقلوه انما انا باخلده عشان الاخ ده عنده سبعتاشر سنة يبجي الوقتي يعرف يزاكر يمشي الدنيا ازاي؟ المسلمون يا اخواني القرآن سماهم مع انكم شوفوا كلنا بسطاء ازاي - [00:30:10](#)

ربنا سمانا قدر ربنا لنا كده. واللي ما يقدرش يبقى كده يعرف انه بعيد اوي. ان احنا ها ائمة. وجعلنا ائمة يهدون بامرنا واوحينا اليهم فعل الخيرات. احنا بنتكلم عن امامة - [00:30:30](#)

انما ما تجيش غير بانك تدرس وتعلم وما تخبيش قل اللي حاصل لتكون اماما وهكذا لذلك ما حدث مع بني اسرائيل لما جعلهم الله ائمة انه كان يجب ان يصونوا هذه الامامة - [00:30:50](#)

اللي حصل في الحقيقة ودي نقطة بقى الربت اهو انا على الجوهر. ان بني اسرائيل حاجة غريبة. انا يا اخي انا اللي كاتب المقال ده بنفسي. ده مقالي انا بتاعي - [00:31:10](#)

انا النص ده انا اللي كاتبه انا اعتز به. ده بضاعتي انا. بني اسرائيل جم على بضاعتهم هم وبدأوا يعملوا ثلاث اربع حاجات. اولاً يقولوا لأ ده ما فيش كلمة عن كذا. فيكتبون الكتاب - [00:31:30](#)

وبعدين يقولون هو من عند الله. مع انهم كاتبينه بايديهم. طب فيه حاجة مكتوبة فعلاً بدأوا يخفوه يقول لك خبي خبي. خبي يخفون كثيراً من الكتاب لدرجة ان بعض الراجل اللي حاطط ايده حاجة ايه ده - [00:31:50](#)

ده كتابك انت وده كتابي انا! ده المفروض تعتز ده التوراة دي والانجيل بتوعك انت يا اخي. اعتز بحاجتك. هو انا باقول لك اعتز حاجتي يخبيها. يبقى بقى وبعدين بدأوا لقوا فيه حاجات بتفلت. هم شالوا كتير بايديهم - [00:32:10](#)

وكتبوا بداله كتير بايديهم. بس ما خدوش بالهم من بعض الحاجات. فضلت مكتوبة. فبدأوا يحرفون الكلمة عن مواضعه. تاخذ الحكم في الباب الفقهي رقم سبعة وتعتبره هو اللي يحكم الباب نمرة اثنين وعشرين من نفس كتاب الفقه. يا اخي ده مش الحكم ده مش

بتاع الباب ده خالص. ايه اللي خلاك تجيب الحكم ده في الباب ده؟ ما لوش دعوة - [00:32:30](#)

انما يحرفون الكلم وهو موجود الكلم بس يحرفونه عن مواضعه. يحطوه فيبان في بند اخر زي ما اجي مسلاً على سبيل المثال زي ما بيحصل دلوقتي. هو عايز يقول ان الاية احنا على فكرة - [00:33:00](#)

بقينا بنعمل نفس الكلام. يعني بني اسرائيل كان عندهم ممكن يشيلوا من التوراة والانجيل ويحطوا فيها. كان ممكن. احنا ما نقدرش ما نقدرش نحرف في القرآن صح؟ ما نعرفش. القرآن محصن محمي محروس ما حدش عارف يغير فيه. فما بقاش قدامنا غير ان

الاية ما تتقريش - [00:33:20](#)

او تتقري نصها او تتقري وافسرها تفسير تاني. او بلاش الاية دي دلوقتي. او زي واحد قال له واحد زابط مباحس امن دولة لسة شغال على فكرة الراجل ده. فلسه شغال كويس اوي يعني - [00:33:40](#)

كويس فالراجل ده بتاع ده قال له يا اخي عندك القرآن فيه ولا تلتमित اية. اشمعنى الاية دي ما عندك متين تسعة وتسعين اية تانيين. تلتमित اية ما شاء الله ده كتير قوي - [00:34:00](#)

قال له اشمعنى الاية دي يعني حضرتك عايزني طب ما تعمل لي ايه قائمة الايات المحظورة امنيا عشان نتكلم في الباقي قال له لأ انتم عارفينها دي معروفة يعني يعني مش قال له ايوه دي معروف ما تتكلموش فيها. فاصبح فيه - [00:34:20](#)

وخطباء نعرفهم يعني كلنا. فضل يخطب على منبر هذا المسجد مسلاً خمسة وعشرين سنة. شرح كل شيه الا ايات لم يقترب منها ابدًا طول خمسة وعشرين سنة. وبعضهم خطبه مسجلة. والله يا اخواني وانتم يعني تلاقوا ان الواحد - [00:34:40](#)

ده خمسين ستين واكثر كمان يعني. اية دي مع حد مش موجودة في يعني ما لوش دعوة بها. يعني مش ممكن واذاة القرآن الكريم بقيت سنين طويلة لا تفسر هذه هذه النوعية من الايات ابدًا. ما تفسرهاش - [00:35:00](#)

لانه ما فيش. الله! طب واحنا بنهززا! اذا نريد ان نعلم انه المداهنة وانه الستر والاختفاء وكتاب شيه اخر والتميع وبعدين يقول له ايه؟

يقول له عارف حاجة بسيطة بس - [00:35:20](#)

يعني هم كانوا عايزين منك حاجة صغيرة جدا. انك تقول حاجة مش موجودة عندك. حاجة بسيطة. وكانوا هيمشوا معك خالص. والايات موجودة في القرآن كتيرة وبعدين يقول له هم كانوا عايزين يستفذك. عايزين يطلعوك من اللي انت بتقوله. عايزين -

[00:35:40](#)

اذا نحن يا اخواني نريد ان ننطق بالحق بدون ان نكره المبطلين بل نتمنى لهم السلامة متى بمعنى الخروج من الباطل الى الحق؟ طب

ازاي يا مولانا بتقول ما نكرههمش مع ان الحب في الله والكره في الله؟ اقول لك ايوه اذا انت تكرهه في - [00:36:00](#)

تكره تلبسه بالباطل. انا بكره الباطل الباطل لبسك عشان كده كراهيتي متوجهة اليك. يوم ما يخرج باطل منك انا كراهيتي ماشية مع

الباطل لكن انت بقيت حبيبي. ما فيش بيني وبينك شئ. ولذلك النبي عليه الصلاة والسلام - [00:36:20](#)

قام الى عكرمة بن ابي جهل انا مش عارف قدر يقوم له ازاي والله. عكرمة يا خبر وابن ابي جهل. انما وصار سيدنا لان القلوب فيها

صفاء. فيها صفاء ولعل الاخوة متذكرين حتى انني حققت لهم مسألة آآ - [00:36:40](#)

اه اسمه ايه الراجل اه وحشي اللي اللي وحشي ابن حرب حققتها زمان وجدناها في ذات السياق لا بأس وان شاء الله نعيدها ما فيش

مانع بس ما عندناش وقت. ايها الاخوة اليوم صباحا - [00:37:00](#)

الحقيقة حدثت مجموعة من التطورات طبعا المؤسسة. طبعا الكلام ده بناء على كل اللي انا قلته بقى. اول لما بدأت محاكمة حسني

مبارك انا قلت لحضراتكم والكلام نازل ان انا كرجل قانون من ناحية وكشخص - [00:37:20](#)

مصري عارف الدنيا للمصريين هنا. انا لا اشعر باطمئنان. شفت المحاكمة من اول اول جلسة. اول جلسة اللي هي كانت بسيطة انا فاهم

يعني ايه محاكمة جنائية. فعلا لا اشعر باطمئنان. ده الكلام ده - [00:37:40](#)

زمان بقى النهاردة حصلت امور الحقيقة ما هو ما فيش حل لازم انا نفسي تبقى مرة الدنيا مش سخنة عشان اتكلم من غير سخونة.

نفسى والله اقول كلام حلو مرة بس - [00:38:00](#)

ما فيش غير اني اعتز اسبوع بقى عن اللقاء عشان انما اللي حصل ان النهاردة شاهد استدعي. الشاهد ده يبقى اسمه حسين

طنطاوي. يبقى اسمه علي ابن ابي طالب. يبقى اسمه عمر ابن الخطاب ما تفرقش. ده - [00:38:20](#)

شاهد واذا انتم عارفين المحاكمة فيها طرفين. طرف بتاع المتهم والطرف الثاني بتاع المجني عليهم. الطرف اللي على المجني عليه

ده اللي هم محامين اهالي فيهم اللي اتقتلوا او جرحوا هم نفسهم او غيره. والنيابة لان النيابة هي اللي موجهة الاتهام الى المتهمين -

[00:38:40](#)

اذا بالمحكمة المحكمة سألت الشاهد والله اعلم الاسئلة دي اخبارها ايه وجاية منين وجهزت ان شاء الله كويس ولا ايه وسمحت

للمحامي المتهم يسأل ان النيابة بقى جت تسأل لم تسمح المحكمة بتوجيه السؤال. المحامين حبوا يسألوا بتوع المجني عليهم -

[00:39:10](#)

ما تسمعوش خالص ممنوع. ده ما فيش كده في الدنيا ما فيش في القانون. ده شاهد. طب اسمع السؤال ارفضوا انما لا لم يسمح

اساسا بهذا الشئ انا لا افهمه. مش موجود في القانون كيف يكون شاهد ولا يسأل - [00:39:40](#)

وانا اقول لكم على حدوتة لطيفة احنا واحنا بنسأل في القضايا العسكرية او قضايا امن الدولة او غيره كان الشاهد يبدأ الاول يقول

كلام مختلف تماما كلام كده على بعضه خلاص هو حافظه بيجي يقول زابط مسلا امن دولة هو اللي اجرى التحريات - [00:40:00](#)

تسألوا اول سؤال ثاني سؤال رابع سؤال عاشر سؤال خمستاشر سؤال عشرين سؤال اللي يطلع في الاخر غير اللي قاله في الاول

اتكشف بيبقى اتكشف وزارة التناقضات واللخبطة. ولذلك الاسئلة دي كانوا ما يسلموش الناس لا تسجيل لها ولا يسمحوا لهم يدخلوا -

[00:40:20](#)

مسجلات ولا يبقى فيه آآ محاضر جلسات مكتوبة ولا ولا ولا حاجة ابدأ عشان ما ييقاش فيه دليل عليها. ولم اما يطلع الحكم لا ينشر.

الاحكام دي مش منشورة ممنوع تنشر. مش موجودة احكام القضاء العسكري كلها في الامور دي - [00:40:40](#)

غير منشورة البتة ما فيش غير انك تاخذها مني عشان انا نسختها بخط ايدي عشان كنت في القضية عشان حاجة انما غير منشورة  
طيب انا الشاهد يبجي يقول اللي هو عايزه لكن العبرة بالاسئلة التي توجه اليه. ومن عجيب الامر انتم عارفين ان فيه حظر نشر بقت  
- [00:41:00](#)

جلسات سرية ان النهاردة صدر قرار في قضية خالد سعيد حاجة تانية خالص قضية ان الولد الشاب الصغير اللي البني ادم العادي اللي  
اسمه خالد سعيد اتقتل واللي قتلوه نفرين. والله اعلم - [00:41:20](#)

القضية دي صدر فيها قرار بحزر النشر كمان النهاردة. الله! حزر النشر شاب اتقتل اتنين مخبرين مسند اليهم ان هم قتلوه. بتحزر النشر  
حتى في دي كمان. حزروا النشر فيها. ويضاف - [00:41:40](#)

الى كده ان المحامين النهاردة منهم من ضرب زباط الشرطة في القاعة ضربوهم. طب انا بالله يعني انا لما انظر الى هذه التسللات  
كلها. الى الى تسلل حاجة ورا حاجة ورا حاجة - [00:42:00](#)

انا اصلا قايل ان التحقيق في النيابة اللي وصل الموضوع الى ان يحال الى المحكمة تحقيق قاصر قصور شديد وزي ما قلت  
لحضراتكم ان في بعض الطلبات قدمت وانا ذكرتها قبل كده ان في ناس قبض عليهم في ميدان التحرير وسلموا الى الضباط -

[00:42:20](#)

الجيش اللي موجودين ومع ذلك دول مجهولين ما حدش راضي يقول اسمائهم مع ان دول اتاخذوا من فوق اسطح العمارات مين اللي  
كانوا احيانا منهم اللي كان بيضرب بيطلق الرصاص من فوق العمارات. التحقيق - [00:42:40](#)

وتيجي النهاردة تعمل هذا الكلام ويضاف الى ذلك انه اديكم سمعتم انا ما عرفش اذا كان بيوصلكم ولا لا انما بصفة عامة كده ادي  
شهادات حسين طنطاوي. سمعنا ما قاله. سمعنا عما طبعا انا عارف ان انتم ما سمعتوش. انما يعني - [00:43:00](#)

وادي شهادة عمر سليمان وادي شهادة منصور العيسوي. شهادات اخر جمال فحن الان الحقيقة لما بنضع هذا الكلام الحقيقة والنقطة  
العجيبة لما تسمع بعض الاخبار تلاقيها غير مبررة محكمة بدأت جلسات كل الجلسات بتبدأ - [00:43:20](#)

حداشر ونص حداشر وتلت حداشر اسف عشرة. عشرة ونص عشرة وتلت عشرة ورابع عشرة ونص الا خمسة. النهاردة وفي جت طبعا  
قعدت اكر من كده الاولانيين قعدت ازن لغاية اتناشر ولا حداشر الله اعلم. النهاردة بقى الصبح قبل ما حد يوصل تسعة الصبح -

[00:43:50](#)

اسئلة المحكمة ومرفوض اسئلة النيابة ومرفوض اسئلة المحامين والمدعين المدني ورفعت الجلسة. بالزبط. الله طب ما تنبه نيه يا  
جماعة يا محامين احنا هنبدا المرة الجاية الساعة تسعة. ولذلك كلما استشعر الانسان مسل هزه الاخبار المبسطة جدا - [00:44:10](#)

واحنا لا زلنا في زخم احداث خمسة وعشرين يناير ما خلصتش. احنا لسه جواها. يبقى معنى كده ان انسان يشعر ان الله اذا كان  
الشهود حسين طنطاوي وعمر سليمان ومنصور العيسوي ومحمود وجدي دي شهادتهم. والمحكمة بتبدأ بدري - [00:44:30](#)

وممنوع توجيه اسئلة للشاهد. ورفعت الجلسة وسرية وكمان محاكمة خالد سعيد سرية انتم متصورين ان الناس في في الاخر ايه ان  
الناس تشعر بايه في الاخر؟ ان الناس يحسوا بطمأنينة ليه؟ ولذلك كما قالوا - [00:44:50](#)

هذه الاحداث احداث الثورة دي كلها الان في ذمة في ذمة آآ قيادات الشعبية اللي لها شعب. لانه هذا الكلام الان له آآ يعني صورة مع  
ان ده مش هو الفيصل. لكن انا مش عايز - [00:45:10](#)

بعد شوية تجيب لي ان حكم محصن بالبراءة والمسألة منتهية. عشان كده الحقيقة لا يستطيع الانسان ابدان هو آآ يعني يتغافل او  
يفغل هذه الاشياء. انا الحقيقة عند رأيي الذي - [00:45:30](#)

مش هكره النهاردة ولا حاجة. ان لم يتغير ابدان من يوم حداشر فبراير. هو نفس الرأي قلته يوم حداشر العصر مع الناس هناك ولم  
يتغير ابدان طول الوقت ده. والحمد لله طبعا في يعني - [00:45:50](#)

لمن لكن ليس هناك بديل عن ان تستكمل الصورة ابعداها. مش هينفع. مش هينفع ابدان مش هينفع ابدان انه يحصل هذا الكلام وخصوصا  
انه لما تيجي ترى مسألة زي حكاية حالة الطوارئ انا فعلا وانا الحقيقة بشكر المستشار طارق البشري. لان الواحد ربما من كتر ما -



مش خلاص بقى مش مسألة النصوص انما هو قدر يرجع للنص. وفوجئنا بان النص بيقول على حسب ما ذكره انتم او حاجة يقول لك وانه لا يجوز بحال من الاحوال. انه تمتد حالة الطوارئ لاكثر من ستة اشهر. احنا الوقتي برة حالة الطوارئ خلاص - [00:46:40](#)

ما فيش حالة طوارئ. وامام ناس بيقلوا تفعيلها الى يونيه القادم ومسألة فالموضوع وبعدين بقى كمان بدأ الشيء الجديد ان احنا كنا بنقول ان امن الدولة يسموه اللي يسموه انما لسه مستمر بيشتغل من غير اتصال بالناس. بدأ الاتصال. بدأ في انتخابات النقابات

ينزلوا الى النقاب - [00:47:00](#)

ويسألوا عن بعض اشخاص. الله طب وانا يعني المطلوب ايه هي الحاجة اللي انا افضل مستني لغاية لما تحصل بقى يعني فاضل ايه اللي لسة ما حصلش! ولذلك احنا يجب ان ندرك وعلى فكرة في كلام كثير - [00:47:30](#)

من اللي انا يعني كنت حتى وعدت الاخوة ان هنتكلم فيه النهاردة حتى بالنسبة لحركتنا وكده. معلى هناجله الاسبوع الجاي لان احنا عندنا تمانية واربعين ساعة دلوقتى فاصلة. احنا دلوقتى عندنا ولو سمحتم الكلمة دي تفضلوا حافظينها - [00:47:50](#)

احنا عندنا تمانية واربعين ساعة فاصلة. ممكن نزودهم يوم كمان نخليهم اتنين وسبعين ساعة. لانه لغاية يوم ستة وعشرين او قول سبعة وعشرين هو دوق دي يعني زي ما بيقول الصبر احنا قاعدين لما حد - [00:48:10](#)

اتصل بي قبل جمعة تسعة تسعة حد من اخوانا الصحفيين اتصل بي يقول لي رأيك ايه في جمعة تسعة تسعة قبلها بمدة اتصل بي لا تسعة تسعة لأ. تسعة تسعة احنا عندنا لغاية ستة وعشرين تسعة هنمسك نفسنا جامد اوي اوي علشان ما - [00:48:30](#)

اتخزش من حراكتنا تكأة افساد الامور. ستة وعشرين تسعة فاضل عليها تمانية واربعين ساعة. دي اخر حاجة. لما حداثر فبراير قالوا الحكم العسكري ده هيستمر ست شهر قلنا لغاية حداثر تمانية - [00:48:50](#)

جم قبل حداثر تمانية قالوا لأ اصل الاستفتاء حصل تسعتاشر ثلاثة فالست شهر بيتدوا من التسعتاشر ثلاثة طب بيقى عندكو لغاية تسعتاشر تسعة زي بعضه شهر كمان ما يجراش حاجة. وبعدين تسعتاشر تسعة قالوا هنطلع القرار يوم ستة وعشرين اللي هو بعد بكرة

او بعد بعده. ده بقى اخر حاجة خلاص - [00:49:10](#)

فبالتالي كلام كثير لازم النهاردة ما يتقالش. كلام كثير لازم ينتظر. بس اقول لكم انتم اخوة من ورائكم انه الانسان مش هيقعد من دلوقتى اليومين دول يعني يقعد متهيى هو سوف يطلب منه ان يكون - [00:49:30](#)

له رأيه. لانه ستة وعشرين تسعة ولا سبعة وعشرين تسعة. النهاردة صدر قرار من ثلاث اربع ساعات بانه المجلس العسكري بيرجع قانون الدواير لمجلس الوزراء علشان يعد المشروع من جديد ليصدره - [00:49:50](#)

الله اعلم بقى يمكن هيطلعوا النهاردة ومجلس الوزراء يخلصوا بكرة ويحيلوا بكرة والمجلس العسكري يطلعه بعد بكرة. انا هو مصدقهم. وواثق فيهم. لو سمحتم الاخوة الصحفيين مانشيت على طول ها؟ منتهى الثقة ان - [00:50:10](#)

بعد بكرة كل ده هيكون خلص. انا واثق فيهم. جدا. ان شاء الله بعد بكرة يكون كل ده خلص لحظة واحدة بعد بكرة خليك بايت في الجامع اليومين دول معي ما يجراش حاجة. انما على كل حال - [00:50:30](#)

هل احنا يعني من حقنا وعايذ اقول لكم يا اخواني حاجة انا قلتها عشرين ثلاثين مرة قبل كده وبعدين بقى لي مدة ما قلتهاش لازم اجدد الكلام عنها اليوم باختصار هذا الشعب قام من قبل في اقل من متين سنة او في متين - [00:50:50](#)

سنة عمل ست سبع ثورات. مش مقصر. كل شوية يعمل ثورة ويشيل ويشيل الزلم. ويرميه. ويحتفل ويسعد. ويقول عن الحاكم الوطني ثم تظل الامور تلف تلف ويعود الى القهر الانقهار والى الطغيان من جديد - [00:51:10](#)

ما فيش ولا مرة حصل ما حصلش كده. اول ما عمر مكرم وعلماء الاسلام توجهوا الى الطاغية خلعه للوالي الظالم وجابوا حاكم الحاكم ده قبل ما يفوت سنوات قليلة جدا. ازن ثلاث سنين او اربع سنين كان سجينهم ونفى - [00:51:40](#)

بعضهم خارج البلاد وادخل بعضهم السجون انا قلت سجنهم وبعدين عمل مذبحة للناس وظل يحكم مية وخمسين سنة هو وولاده. عنترية الثورة احنا شعب متهم بكده. هو انا بتكلم عن شعب ثاني ولا انا منه؟ احنا شعب متهم بكده. ان احنا شاطرين في العنترية

اللحظية بس ما بنعرفش نحرس لا يلدغ المؤمن من جحر سبع تلاف خمسمية وأربعين مرة ما ينفعش ما تبقاش حضارة سبع تلاف سنة عبارة عن حضارة اللداغ. وانما علينا ان نفيق. احنا كنا - 00:52:40

الكلام ده في الكتب. دلوقتي احنا الاحداث اهو احنا قلب الاحداث. فما ينفعش انه يفضل والنقطة بقى الخطيرة. الاعلام الوزير الجديد ده رهيب رهيب. انا بقول لكم لا تقول لي صفوت الشريف ولا انا سلفية - 00:53:00

اللي بيعملوا تطويل الاعلام ده بيخلقوا حتى بيخلقوا الزعامات الجديدة النهاردة الازاعة وانا الازاعة بيبقى سهل علي وانا انا في السيارة اسمعها وانا رايع من هنا لهننا. الازاعة بتزيع طول النهار زغاريد. زغاريد بيزغرطوا - 00:53:20

انا ما اعرفش التليفزيون يمكن يكون بيزيعها. ده مش مجاز دي حقيقة. مين اللي بيزغرطوا يا جماعة دول؟ قال لك ده ما شاء الله اهل سيناء فرحانين بالمجلس العسكري. زغاريت والله وقاعدين يقول لك ولا استطيع ان اتم حديثي لان الزغاريد في خلفية

المشهد - 00:53:40

هذه مش عارف يا عيني يكلم الناس لانه والثاني يقول له احنا فرحانين هيموتوا من الفرحة. وانه ده دليل على ان الذين قالوا ووفوا انا والله انا عارف ان فيه اخوة كتير يعاتبونني على ان يعني يقول لك معلىش يعني عشان انا - 00:54:00

القول انا مش عايز افقد صدقي نتيجة ان انا ايه يعني هو يقول لك انا عايز نفضل صادقين يعني فمش عايزين نفقد الصدق هو ده الواقع. بدأ الاعلام يعيد تأليه اشخاص مرة اخرى. الثورات اللي حصلت - 00:54:30

كلها كده. مش مش عمر مكرم بس. كله كده. وانا قلت الكلام ده كتير بس سبحان الله مش قادر ما اقولوش لانه قلت لكم احمد عرابي وقف بمنتهى القوة. وقال له احنا لسنا تراثا ولا عقارا وانا والله الذي لا اله الا هو - 00:54:50

لن نورث بعد اليوم واول ما قال الكلمة دي فضلنا نورث سبعين سنة بعدها في الحكم الملكي وبعدين ستين سنة في الحكم يعني مية وتلاتين سنة. مية وتلاتين سنة بعد ثورة عراة - 00:55:10

اللي حلفوا بالله العزيم ما هيبقوا غنم بعد كده. انا بقى كده مسلا باخل او بانقص من قدرهم لأ. انا باعلم نفسي واخواني ان احنا بقى دلوقتي احنا اللي هنا. احنا اللي هنا يا جماعة - 00:55:30

جماعة ما ينفعش يحصل كده ثاني. حتى ثورة اتنين وخمسين قلت لكم ان ثورة اتنين وخمسين حبوا هم في مارس. تسع في اخر فبراير ثمانية وعشرين فبراير سنة اربعة وخمسين حب عبدالناصر يشيل محمد نجيب - 00:55:50

وعزلوا فعلا وشالوا وطلعوا وكل حاجة. الشعب طلع بقت ركب عبدالناصر بتخبط في بعضها مش ليه؟ لان الشعب سيبهم فعمل مصالحة مع محمد نجيب ورجعه وحل الامور والامور بقت في منتهى الجمال وطلعوا مع بعض وماسكين في ايد بعض - 00:56:10

وغافروا البعض وعفوا عن بعض. كل الموضوع من مارس لسبتمبر. بس. ست شهور وشوية دول اللي فاتوا بس يعني زي ما فات من حادش فبراير كده لغاية دلوقتي تقريبا. بعدها شال محمد نجيب. ولا حاجة حصلت - 00:56:30

ورماه ستاشر سنة لحد ما مات عبدالناصر رماه في معتقل المرج. وزى التعبير اللي بقوله دايمنا ما خلاهوش يتكلم في ستاشر الا القطط. لما العسكري الزابط اللي قاعد بيحرس المعتقل. فكر مرة يتكلم معه راح نقله - 00:56:50

زابط للصعيد. فبقى محمد نجيب بيربي قطط في آآ جنينة المعتقل ستاشر سنة. اللي ما عرفش يشيله من ست اشهر بعد ست اشهر انتهى. واعدامات وغيره. احنا متأكدين ان ان شاء الله مش ده المخطط ولا ده اللي هيحصل. احنا واسقين - 00:57:10

السقة ان الامور هتبقى ممتازة جدا ونثق في وطنيتهم وفي كل حاجة. بس يعني احنا مش محتاجين ان حد يعمل لنا واحنا غافلين. حد يعمل لنا واحنا مصححين. انا عندي قضية باروح للمحامي. باقول له امشي لي في القضية. بس انا - 00:57:30

منتبه لقضيتي برضه. يعني واخذ بالي مش لما يبجي يتدخل يقول لي انت ما لكش دعوة. ايوه انا ما ليش دعوة بس انا عندي شهود في العمارة عايز اجيبهم لك - 00:57:50

ورقة بروح لك بها انا شريك في الموضوع. فنسأل الله عز وجل ان هو يعني ينبهنا لهذا وعلى كل حال معلىش اصبروا علي لغاية بعد

بكرة نتبين الامور ايه ان شاء الله نسأل الله عز وجل انما اذا كان متصور ان الامور يعني هتتساب - [00:58:00](#)

لا ما اعتقدش او يعني ان شاء الله مش هتتساب باذن الله. ان شاء الله. بعد بكرة حل بعد بكرة. الحل بعد بكرة ان شاء الله. تعالوا بقى كل ده الكلام البسيط. تعال بقى للحاجات الايه اللي مش بسيطة. على الفيسبوك - [00:58:20](#)

لأ يوم التلات انت تتابع بقى عن طريق القنوات الاعلامية اللي هي صفحة الفيسبوك والحاجات دي. اللي اللي الحمد لله ان ما خدوهاش خالص رجعت. مش انتم سمعتم انها كانت راحت باين ولا - [00:58:40](#)

فرجعت الحمد لله. ونسأل الله ان ما يعرفوش ياخدوها. على كل حال ربنا لطيف بعباده اما بقى النقطة اللي انا عايز قبل ما هخلص ان شاء الله لانه النهاردة احنا مش هنسمع حد ولا اسئلة ولا حاجة معلىش. لان عندنا بعض ارتباطات - [00:59:00](#)

فكفاية الجرعة دي. انما انا يهمني اشير الى نقاط سريعة ما يعني لازم نقولها خطاب اوباما في الامم المتحدة. خطاب اوباما هو ايه الحكاية برضه عشان تبقوا عارفين اللي حاصل ان ده الاجتماع - [00:59:20](#)

الدوري بتاع الجمعية العمومية للامم المتحدة الجمعية العامة للامم المتحدة اللي بيجمعوها فيها دوريا وياخدوا قراراتهم معتادين هم ان الاجتماعات دي رؤساء الدول بيتكلموا فشيء طبيعي ان رئيس الدولة يتكلم. فاوباما بيلقي خطاب - [00:59:40](#)

الخطاب بتاع اوباما المرة دي طبعاً احنا ما عندناش براح تفصيلي يعني نتكلم تفصيلاً انما خطاب اوباما المرة دي بيتسم بحاجتين رئيسيتين او رئيسيتين يعني عشان اللغة العربية الصفة الاولى انه ده اخر - [01:00:00](#)

الخطاب لاوباما قبل الانتخابات اللي جاية عنده في امريكا. فيه انتخابات رئاسة. ومحتاج اصوات ينجح والحاجة الثانية ان هم خلوا محمود عباس ودي نقطة ثانية خلفية ثانية خالص هبقى اتكلم فيها هو ليه عمل كده بس مش النهاردة لان ما فيش وقت يتقدم بطلب علشان يقول لهم خلوا فلسطين دولة كاملة - [01:00:30](#)

العضوية يعني دولة معترف بها في الامم المتحدة. فاوباما خطب حته دين خطاب تشعر فيه مش هتكلم عن اي حاجة فيه الحقيقة دلوقتي. انما بس تشعر فيه بكلمة واحدة. شدة الانهيار التام - [01:01:00](#)

داخليا عنده في امريكا جوة المجتمع امام السلطان اليهودي الداخلي تماما لدرجة انه بيقول ويزيد وبعدين يعيد. ويتكلم واكثر وبعد ما يخلص يروح قايل كلام بصيغة ثانية. آآ وعن علاقتهم باسرائيل وكذا وكذا وكذا. كلام واضح - [01:01:20](#)

اوباما بيقول لي وبيقول لك وبيقول لنا نحن خصم لكم بوضوح. اليهود اسرائيل بالنسبة لنا اولوية ومش مستعدين تمس ودي علاقة استراتيجية. وانا يعني باقول له كلمة واحدة باقول له علم بس. خلاص عارفين - [01:01:50](#)

ما هو ده من قبل كده معروف. انما الرسالة الجديدة كمان معلومة. خلاص علم. انما كلام واضح. ولذلك هو لما هذا الكلام طبعاً قال معه كلام كتير قال دي قضية قديمة وما تتصوروش انها تتحل بسرعة ولا بقرارات من الامم المتحدة يعني ولا في قرار - [01:02:10](#)

ولا تتصوروا انها تتحل بقرار ولا فيه فائدة ولا اي حاجة دي هتاخذ دي محتاجة وقت طويل لسه. انا بقول الكلام ده ليه؟ علشان انا في لقاءاتي بالاخوة الناس ليه منهارة كده يا اخوانا؟ ليه متصورين اوي ان - [01:02:30](#)

ان ما فيش حل غير ان انا افضل آآ يعني اتكلم بانهييار بالغ. ما تتكلموش بانهييار ما تكلموش بانهييار ده ده الكلمة الرائعة اللي هي لقد اعزنا الله بالاسلام فمهما او قبلها بيقول لك لقد كنا اذل الناس - [01:02:50](#)

انت ما تعرفش القبائل العربية دي كانت بتسجد قدام ملوك الفرس والرومان. اللي بيبقى بينه وبين العرب هنا شديد وشادد حيله كده ويقول لك انا فلان كان يسجد امام ملوك الفرس والرومان. وكان يسجد امام ملوك الغساسنة. وكان ما يعرفش بعضهم بيبقى شديد على القبائل - [01:03:10](#)

منافسة الا بحلف بينه وبين هؤلاء. فقالوا لقد كنا اذل امة او اذل الناس فاعزنا الله بالاسلام. فمهما يعني حيثما في اي وقت فمهما ابتغينا العزة في غيره اذلنا الله - [01:03:30](#)

نعود للذل من جديد. لازم نؤمن برب العالمين. ونؤمن ومع ذلك عايزين ايه اكثر من كده؟ انا شخصيا ان انا فاهم اعتباراتهم وفاهم اغراضهم وساتعامل معها وخدم عليها. عايزين اكثر من كده ومع ذلك هم - [01:03:50](#)

تريدون ما هو اكثر انه كمان تببع البلد كلها مثلا. لذلك نحن يجب ان نعلم انه اذا الناس عرفت تتكاتف مع بعض هتعرف تعمل حاجة كلما قبلت الانهيار مش هتعرف تعمل حاجة. فلو سمحتم - [01:04:10](#)

ما حدش يبقي لسة مضطرب ولا مرتاب ولا متشكك. وما حدش يبقي منتزر. وانا قلت الكلام ده كثير. الشخص الطقس المتردد اللي اسوأ منه المبطى، اللي ما يحشمش بدري نعم! البطيه المبطيه اللي بيقول لك طب استنى شوية لسة شوية. ليه بقى - [01:04:30](#) متردد ده يمكن عنده وجهة نزر لسة مش متبلورة. يمكن عنده شيه بيدور عليه انما الذي عرف الحق ورآه وهو يبطن هو خائن للحق الذي يراه. ولذلك القرآن لما لما ندد بالمعوقين منكم وندد ايضا بالمبطين قال وان منكم لمن - [01:05:00](#)

لغاية ما يشوف الدنيا ماشية ازاي. فاذا مشيت كده يقول ما انا كنت عارف ان هيحصل كده. وازا مشيت كده يقول والله كان كنت ناوي ونفسي بس كان في زرف وعلشان الزروف دي حبيت انما انا معك من اول لحزة في ان احنا في سبيل الله. لذلك - [01:05:30](#) القرآن ندد بكلمة وان منكم لمن لا يبطن. لان المبطن ده قضيته محسومة عنده بس هو قال لك طب استنى. فايكم والمعوقين والمبطين. ويا اخواني هي اللحظة الفارقة كما يقول الشاعر اللي قالوا لي فيه ناس مش فاهمينه. ما تشرحوه انتم. هي - [01:05:50](#) فعلا اللحظة لا ندرکہا بتعدي. اللي بتعدي انا انا بشوف ساعات كان بيأثر في جدا الكلام ده زمان كنا بنسافر دايمًا بالقطار. يعني فكان دايمًا الاقي الراجل اللي بيبيع لك حاجة من شبك القطر - [01:06:10](#)

يعني لو ما لحقش بسرعة ببيعها وياخد فلوسه هتضيع عليه البضاعة. فكان يدرك اللحزة دي بعدها بسانية هو القطر فين وهو فين؟ احنا كده احنا امام قطار. احنا امام قطار. ولزلك ما عدش ينفع - [01:06:30](#)

انا في رسالة والله اثرت في قوي زي بعضه دخلها في الكلام. اخ بيقول لي يوجد منا كثير من الفقراء الذين لا يملكون المال ويريدون ان يشتركوا في العمل يعني والحملة وما الى ذلك. فهل ترى لهم شيه يعملوه؟ يا سلام - [01:06:50](#)

هو خلاص ما فيش غير آآ احنا مش محتاجين فلوس خالص. خالص. احنا هنتبنى مشروع واحد بس بسيط جدا. ان كل اخ يجد عنده الاخلاص فعلا والدفعة هو يجمع اصحابه. يجمع عشرين واحد - [01:07:10](#)

معه. اصحابه جيرانه الناس اللي اخوانه في المسجد في الشغل. لحد ما يعرف يجمع عشرة ولا خمستاشر ولا عشرين ومش مطلوب منه غير حاجة واحدة. واحفظوها كلمتين. امشوا في الشوارع بس. مش في شباب واقفين على الناصية؟ افقوا - [01:07:30](#)

اتكلموا معهم. مش في ناس بيقدوا على القهوة؟ اقدوا على القهوة واتكلموا معهم. مش فيه ناس بيركبوا اتوبيسات اتكلموا هي دي مش محتاجة احنا مش ازا وجد الصدق وواعوا تعملوا اللي بتعملوه دلوقتي يا اخوانا معزما بيكلم نفسه يروح كده الاخوة قاعدين يروح قايم واحد - [01:07:50](#)

واحد منهم مكلهم. فكلهم يقول له صدقت وخلص. خلاص. انما لقي انتم مسلا مية المية يقدرنا يتكلموا. ده احنا لا يفصلنا عن القهوة اللي بيشربوها فيها آآ بعض المخدرات الا الحيطه دي - [01:08:10](#)

فعلينا ان نتكلم فهي الفكرة كده. انت حضرتك ما فيش حاجة اسمها ولا مركزية ولا مستني حد ما تستناش حد. ما فيش حد هيتصل انت حضرتك رح للمنطقة اللي انت فيها كون مجموعة من اللي انت تعرفهم وامشوا بقى في الشوارع امشوا على البيوت - [01:08:30](#)

انت عارف الاخ اللي تابعتي جزاه الله خيرا ما عرفش زاهر حاطط كل مرتبه بياخده يصرفه على المطبوعات من نفسه كده انما انا لما جينا نطبع حاجة بسيطة فوجئنا بان الالف ورقة اللي وريتها لكم الاسبوع اللي فات دي. باتناش جنيه ولا ما اعرفش ايه! قلت له

اتناش جنيه الف ورقة - [01:08:50](#)

ده معنى كده ان لو حد عايز يعمل عشر تلاف ورقة بمية وعشرين جنيه يعني لو عنده في المسجد كل واحد صنع خمسة جنيه مية وعشرين جنيه ووصل لعشرة عشر تلاف واحد فكرة صغيرة كده يا بلاش والله. يا بلاش اه دي حاجة زي دي اهي. دي كده ورقة

بسيطة جدا - [01:09:10](#)

وعليها فكرة على الوش وفكرة على الظهر. واتوزعت على الناس. المسألة انما مش محتاجة فلوس محتاجة اني امشي احفظ انت الكلمتين مش انت بتقول لي طب بس اكلم الناس في ايه؟ اقرا الورقة دي واحفزها احفز الفكرة اللي فيها وامش سلام عليكم يا

شباب والله انتم عارفين ان فيه كزا عايزين ممكن - [01:09:30](#)

اتكلم معكم شوية. يا اخي تعلموا من الاخوة الفضلاء بتوع التبليغ. سبحان الله! وعلى الاقل هم كانوا بيتكلموا عن شيه اللي هي الشعائر والفرائض وتعالوا صلوا ولا تعالوا المسجد ولا تعالوا زورونا ولا كده. انت دلوقتي بتكلمه عن عن بلد كاملة - [01:09:50](#) وبعدين عايز اقول لكم حاجة. انتم متابعين اللي بيحصل في سوريا علي عبدالله صالح رجع امبارح. رجع بلده رجع امبارح وطبعاً وفيه قتلى وفيه غيره. رجع فجأة ركب طيران وراح راجع. والناس طلعت الله اعلم هيحصل ايه. انما الدنيا - [01:10:10](#) مولع طبعا ان شاء الله. انما انا باقول لك يعني رجع ها؟ اه انا انا مش عايزها تولع. انا راجل مسالم جدا ونثق في قيادات كل حاجة. كله الحمد لله - [01:10:30](#)

يعني الطمأنينة بفضل الله يعني ان شاء الله. فانا عايز اقول سوريا عارف سوريا بيقتلوا الناس هناك ازاي بيقتلوهم كل يوم. ما عدا يوم الجمعة. ليه الجمعة اجازة مش اجازة. الناس كتير يوم الجمعة. يقول لك سيهيم يخرجوا ما اصلهم بيروحوا. هو بيخرج ويروح. سيهيم يخرج ويروح - [01:11:00](#)

وارصد لي مين اللي نقلتهم خلال الاسبوع ده. ويقعد يقتل سبت حد اتنين ثلاثة اربعة خميس روحوا بقى راحة بكرة. ما فيش ليه؟ لان الناس قليلة وان منكم لمن لا يبطن. يقول لك استنى اما نشوف. فاحنا يا اخواني - [01:11:30](#) مش كنا صادقين مش كنا بنقول بس يفتحوا لنا مش عارف ايه ويشوفوا هيحصل ايه. فين الذين يحبون الاستشهاد دول يعني راحوا فين يعني اهو فسوريا ليبيا. ليبيا طبعا هنخش في محنة كبيرة دلوقتي خلاص. بس احسن من يعني يعني احنا كنا عارفين كده وبنقول - [01:11:50](#)

قبل كده كان الوضع مستقر تحت سلطان القذافي. وكانت البلد دي محسوبة ضد ضد الصواب. بلاش اقول ضد دلوقتي اهتز الامر. صحيح هتبتدي بقى المشكلة بين العولمة والامريكية والنيتو والمش عارف ايه وبين الناس اللي موجودين الثوريين ومين هيختار ومين ايه اه بس بقى في حراك ربنا يكرم ان شاء الله - [01:12:10](#)

طيب يا مولانا المسائل بتبقى صعبة ايوه بتبقى صعبة. وما بيخلصوا الموضوع بتاع سوريا. وعلى فكرة سوريا امريكا واسرائيل لها مصلحة ان الامور هناك ما تتمش ازاي؟ ومع ذلك ناويين يتمموها بطريقة ايه؟ كلام تفاصيل - [01:12:40](#)

الحقيقة يعني لو الواحد عنده وقت يقعد يقول في كل قضية انما انا عايز اقول خلاصة الموضوع ارجوكم هذا الوقت من اهم ما يكون ما ينفعش الواحد يرجع مرة تانية الى ما كان فيه والا فاننا يعني اللي هو الركود وانما علينا ان - [01:13:00](#)

ادرك اننا باذن الله تبارك وتعالى في ساعات اللي هم التمانية واربعين ساعة القادمة او اتنين وسبعين ساعة في ساعات على كل انسان ان يتوضأ فيحسن الوضوء وان يغتسل فيسبغ الغسل. وان يتطهر فيحسن الطهور وان يصلي فيحسن - [01:13:20](#)

الخشوع وان يهين نفسه ليرفع راية ربه عز وجل وراية الصلاح والتقوى وان ينقذ مجتمعة نسأل الله عز وجل ان تكون هناك يعني امر رشد لهذه البلد. وان يجمع الحكام والمحكومين على الرشاد - [01:13:40](#)

ونسأل الله ان يكون اخواننا اعضاء المجلس الاعلى للقوات المسلحة خيرا منا يا رب العالمين وهدى وصلاحا واستقامة وفضلا. وان يقودوا الامور الى اكرم ما يكون وان يسلموا البلاد الى اهلها - [01:14:00](#)

يا ارحم الراحمين. والحمد لله رب العالمين - [01:14:20](#)